



Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

Broj: UP-I-KSI-09-06/22

Datum: 29.09.2022. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu utvrđivanja povrede odredaba zakona od strane E.P. iz Brčkog, Brčko distrikt BiH, na 32. sjednici održanoj dana 29.09.2022. godine donijela je sljedeće

RJEŠENJE

1. UTVRĐUJE SE da je E.P. iz Brčkog, član Upravnog odbora Radio-novinske i izdavačke ustanove „Radio Brčko“ Brčko distrikt BiH, kao nosilac javne funkcije postupio protivno odredbama člana 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine, na način što u roku od 30 dana od dana stupanja na javnu funkciju, Komisiji za odlučivanje o sukobu interesa nije podnio izvještaj o imovinskom stanju nosioca javne funkcije.
2. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, E.P. se shodno odredbama člana 43. Zakona o sprečavanju sukoba interesa u institucijama Brčko distrikta Bosne i Hercegovine, izriče opomena.

Obrazloženje

Komisija je po službenoj dužnosti Zaključkom broj: UP-I- KSI-09-06/22 od 16.08.2022. godine, pokrenula postupak protiv E.P. iz Brčkog, nosioca javne funkcije, jer je uočila da postoji osnovana sumnja da isti nije dostavio Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, čime je postupio protivno odredbama iz člana 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine (u daljem tekstu: Zakon), te imenovanog pozvala na izjašnjenje o datim navodima.

Uvidom u Odluku o imenovanju dva člana Upravnog odbora Radio-novinske i izdavačke ustanove „Radio Brčko“ Brčko distrikt BiH broj: 01-02-1452/22 od 06.04.2022, utvrđeno je da je E.P. imenovan za člana Upravnog odbora Radio-novinske i izdavačke ustanove „Radio Brčko“ Brčko distrikt BiH danom imenovanja.

Uvidom u Aneks I- Obrazac o javnoj funkciji i nosiocu javne funkcije, Radio-novinske i izdavačke ustanove „Radio Brčko“ Brčko distrikt BiH, za E.P., kao člana Upravnog odbora Radio-novinske i izdavačke ustanove „Radio Brčko“ Brčko distrikt BiH, koji je Radio-novinska i izdavačka ustanova „Radio Brčko“ Brčko distrikt BiH dostavila dana 15.04.2022. godine za E. P., kao člana Upravnog odbora Radio-novinske i izdavačke ustanove „Radio Brčko“ Brčko distrikt BiH, utvrđeno je da E.P. stupio na javnu funkciju danom imenovanja 06.04.2022. godine.

Provjerom službene evidencije, odnosno Registra javnih funkcija i nosilaca javnih funkcija, kao i Registra imovine, podnesenih izvještaja, utvrđeno je da E.P. do dana donošenja zaključka, odnosno 16.08.2022. godine nije podnio Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, odnosno propustio je da u roku od 30 dana od dana stupanja na javnu funkciju podnese Komisiji Izvještaj o imovinskom stanju Komisiji.

Nakon prijema Zaključka o pokretanju postupka od 16.08.2022. godine, zaprimljen dana 20.08.2022. godine, E.P., član Upravnog odbora Radio-novinske i izdavačke ustanove „Radio Brčko“ Brčko distrikt BiH, kao nosilac javne funkcije, dostavio je Komisiji Izjašnjenje od 23.08.2022. godine, zaprimljeno 25.08.2022. godine u kojem navodi, između ostalog da nije imao saznanja da je potrebno da dostavi isti izvještaj, te da će ga o zakonskim obavezama dostavljanja izvještaja, obavijestiti institucija u kojem obavlja javnu funkciju ili Komisija. Uz isto izjašnjenje E.P. je dostavio i ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, te je postupio shodno Zaključku Komisije i otklonio razloge i okolnosti koji su ga doveli do kršenja odredaba Zakona.

Član 19. stav (1) Zakona, propisuje da je nosilac javne funkcije dužan u roku od 30 dana od dana stupanja na javnu funkciju podnijeti Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, a prema stanju na dan kada je izabran, odnosno imenovan.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije nosiocu javne funkcije koji postupi suprotno odredbama člana 19. navedenog Zakona o sprečavanju sukoba interesa u institucijama Brčko distrikta Bosne i Hercegovine.

Primjenom navedenih zakonskih odredbi na utvrđeno činjenično stanje, ocijenjeno je u konkretnom slučaju da postoji povreda Zakona, s obzirom na to da je E.P., kao nosilac javne funkcije, propustio da u roku od 30 dana od dana stupanja na javnu funkciju, člana Upravnog odbora Radio-novinske i izdavačke ustanove „Radio Brčko“ Brčko distrikt BiH, podnese Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, čime je postupio protivno gore navedenim zakonskim odredbama.

Prilikom odlučivanja o vrsti sankcije, koju treba izreći, Komisija je shodno članu 43. Zakona, vodeći računa o težini povrede Zakona i posljedicama povrede Zakona, te činjenici da je E.P. a, nosilac javne funkcije odmah po prijemu Zaključka podnio Izvještaj o imovinskom stanju, te se prema njegovom postupanju i odgovornosti, ličnosti nosioca javne funkcije, odnosu imenovanog prema kršenju odredaba Zakona kao i opredijeljenosti imenovanog da postupi u

skladu sa Zakonom, te otkloni razloge koji su doveli do kršenja odredaba Zakona kao i prouzrokovanoj posljedici radi očito lakom obliku kršenja odredbi Zakona, koje nisu nanijele štetu integritetu javne funkcije koju E.P. iz Brčkog obavlja, pa je Komisija stava da izrečena opomena odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno odredbama člana 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

POUKA O PRAVNOM LIJEKU:

Saglasno odredbama člana 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom u Brčko distriktu BiH.

**Predsjednik
Komisije za odlučivanje o sukobu interesa**

Admira Mujić, dipl.pravnik

Dostavljeno:

1. E.P., Brčko
2. Internet stranici Komisije,
3. Evidenciji i
4. **Arhivi.**